

Novac za obnovu vjerskih objekata

20/09/2010 16:56 by Administrator

Predstavnici UN-a, tri vjerske zajednice u BiH i resornih ministarstava potpisat će danas u Sarajevu memorandum o razumijevanju o sufinansiranju obnove Saborne crkve u Mostaru, Ferhadija džamije u Banjoj Luci i samostana Plehan kod Dervente.

Potpisivanje ovog dokumenta realizuje se u okviru projekta "Unapređenje kulturnog razumijevanja u BiH", prema kojem se za obnovu ova tri vjerska objekta obezbjeđuje po 200.000 američkih dolara, saopšteno je iz Ministarstva civilnih poslova BiH.

Memorandum će u ime resornih ministarstava potpisati ministar civilnih poslova BiH Sredoje Nović, ministar prosvjete i kulture Republike Srpske Anton Kasipović i federalni ministar kulture i sporta Gavrilo Grahovac.

U ime vjerskih zajednica memorandum će potpisati episkop zahumsko-hercegovački i primorski Grigorije, muftija banjalučki Edhem Ćemalović i provincijal Franjevačke provincije Bosne Srebrne Lovro Gavran, a u ime UN-ovog "MDG-F Programa - Kultura za razvoj" rezidentni koordinator UN u BiH Juri Afanasiev.

Potpisivanje memoranduma najavljeno je za 12.30 sati u zgradi institucija BiH u Sarajevu.

Izvor vijesti: Sarajevo-x